

Spresione è cumunicação

Ciculi 1, 2 è 3 CICULU 3

Ogettivi :

- Entre in litteratura
- Stà à senta è capi un racontu
- Sprimesi nantu à un racontu

Materiale :

- *U racontu dettu (si sceglie a versione più adatta di u racontu)
- *Una seria di 14 fiure A3 in culore (illustrazione di Musiconte Le Petit Chaperon Rouge, Ed Nathan »)

Sbucinera :

1a Seanza

I zitelli sò adduniti cù a maestra, à u calmu, in un attitudine favurevule per stà à sente. A maestra dice u racontu, sanu sanu, fendu vede e fiure chì currispondenu à i sfarenti mumentu.

S'elle ci sò reazione spontanee, a maestra e piglia in contu, ma spessu i zitelli volenu sente torna u racontu, è tandu, a maestra u dice una seconda volta.

Per via di dumande, aiuta i zitelli à di ciò ch'elli anu capitu.

-« *Di chì parla stu libru ?* » → *Stu libru parla di Cappuccinella Rossa.*

-« *Induve si passa ?* » → *Si passa ind'è a furesta.*

- « *Quando ?* » → *Tempi Fà / In tempi d'una volta*

-« *Qualessi sò i persunagi ?* » *Sò Cappuccinella Rossa, a so mamma, a so mammone, u lupu è u cacciadore*

2a Seanza

À un antru mumentu, forse u lindumane, si rimettenu i zitelli in cuntattu cù u racontu per via di e fiure. A ogni fiura presentata, s'aiutanu i zitelli cù dumande per purtalli à cuntà a storia a modu soiu.

Eserciziu individuale : da vede fiscia di u scularu n°1.

L'eserciziu prupostu sera currettu di modu cullettivu, mettendu e fiure in ordine à u tavulone.

3a Seanza

Si ripiglia u travagliu di a seconda seanza è per ogni fiura si custruisce una frasa-chjave chì hè ripetuta di modu cullettivu è ancu individuale (da vede u tavulellu quì sottu). Ste frase seranu memorizzate è ghjuveranu di puntellu per una mansa d'attività. A maestra copia ste frase nant'à fogli chì sò incullate sott'à e fiure. (si pò fà a scelta di fà scrive e frase da i zitelli.)

Rimarca : a seconda è a terza seanza ponu esse rimpiazzate da un numaru più impurtante di seanze.